

中國方志叢書·華中地方·第五五號

據清·吳士進修·吳世榮增修
光緒九年增修重刊本

影印

浙江省

嚴州府志

(一)

成文出版社有限公司印行



10097772

中華民國五十九年十月臺一版

嚴州府志

全三冊

發行人：**黃成助**

出版者：**成文出版社有限公司**

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

嚴州府志

光緒八年歲次
壬午仲夏開雕

重刊嚴州府志序

修志與作史異龍門叙三皇至秦漢之事為書祇一百三十卷其後一代之書卷帙多增於遷書至宋史分為四百九十六卷矣史才之優絀難以尋丈計修志則不然某郡某縣之志則必某縣某縣之疆域山川人物風俗學校選舉金石藝文以及一切興

卷首

廢沿革建造之事搜羅必廣年月必書庶足備後世史臣之採擇論者謂明康海武功志僅三卷其簡要為歷代志書之冠非通論也嚴陵於宋為睦州後改遂安軍紹興年間有遂安軍志若干卷度宗嘗領節度使即位後升為府於是教授鄭瑤學錄方仁榮譔景定嚴州續志十卷附槩於紹

興舊志之後今紹興志軼不傳而景定志猶有存者其戶口門載甯宗楊皇后為嚴州人足以訂宋史之謬固地志之善本也自是以後嚴州志多不傳其傳者祇萬歷志二十四卷而已卷首題名不著誤人或曰主修或曰同修或曰纂修或曰續修或曰彙集體裁贅襍其不及景定志遠矣

卷首

二

國朝康熙二十二年郡守任君重輯府志至乾隆二十一吳守士進始槩行之其書差勝於萬歷志今嚴州守桐城吳君春泉重刻是書問序於予予奉

命巡是邦二年於茲矣搜輯文獻固分內事而吳君獨先予為之則其勤於民事也可知雖然予聞嚴陵山水甲天

下自嚴先生後山林隱逸之士多有
崇尚氣節維持世風者若唐之施肩
吾方干徐凝周樸宋之方夔何夢桂
其著也謝皋羽遭亂後亦嘗流寓其
地至今讀西臺慟哭記猶慄然有生
氣方今新遭亂離嚴州為新安下流
被禍尤烈豈無一二隱君子矢志不
屈如皋羽其人者吳君擬援景定志
例於舊志附刻數卷幸博訪而備登
之無使潛德幽光湮沒於

卷首

三

聖明之世此則予之所厚望也是為序

光緒九年太歲在昭陽協洽相月上
旬二品廕生花翎三品銜分巡浙江
金衢嚴道兼管水利事務長白聯綬
誤

自古記載之書未能增新者莫如
守舊獨至以遠年湮編殘簡所
不惟增新難且守舊亦難是不得不
不急求守舊之策也按嚴州府志
係前明太守呂公昌期所修近已不
得見嗣後惟康熙二十二年守

卷首

一

任公風厚所輯錄為乾隆二十年前
守吳公大進所刊行者最稱詳備然
吳序已云志書祇有前守任公所鈔
錄者為草創底稿而自任守以後
至今七十餘年漫無紀錄散佚甚多
矣以自吳守序刻任稿以後至今

又越百二十餘年其散佚者可復向哉
余於光緒戊寅十二月奉

命來守是邦檢查郡志僅有二十六卷
雖是殘缺者是蘭亭初印余於是
廣搜博訪編為年餘竟有異書
荊州之憾庚辰秋桐庵司訓海懷

卷首

二

為君鵬年來郡遂試袖出全書惜
印時板已漫漶字跡半多模糊仍未
得窺全豹每思校正翻刻山城僻陋
手民頗難其人今委向衢州府志刻成
因房教授殷甫鄉居相森赴衢訪覓
梓工重鐫後函商前分水司補正伯

許君仁杰於杭州府通志局假得浙江

通志並嚴州舊志補缺訂訛卷帙粗

成完備或疑此志已久當有續增第

六屬縣志未成府志即欲續增豈

下手人難以增新相待余惟以守舊

自期實緣舊志刊板印本銷亡鄰

卷首

三

盡若再任責數佚勢必至一郡六邑

文苑多徵何如憑此翻刻幸望潮

淵源者有以存什一於千百此余所

卷太息諒勢不得已而出於翻刻者

也後之覽者或亦諒余之苦衷而

恕其謬陋歟若夫忠孝節義姓

名有案卷可稽者擬附刻三卷以

久湮沒此外人物鄉賢限於採訪未

及備登其職宦選舉姓名及士子

登科入貢有可查考者均擬分別附

列所有未盡一切事宜留待後集

博雅君子統集大成以垂永久遠焉

卷首

四

光緒九年歲次癸未夏五月三品銜

補用道知嚴州府事調補杭州府知

府桐城吳世榮謹後并書

胡序

胡拱辰

太守李公重修嚴陵志成屬予序焉予惟夏之禹貢周之職方志之始也春秋之列國史秦之丞相府圖蕭漢之司空輿地圖志之漸也唐宋之地圖宋之圖經明之郡縣志志之備也秦漢以上無庸考矣地圖在唐三年一修上之在宋閏年一修上之圖經又在大中祥符中修之儒臣而頒之天下郡縣志在永樂景泰中凡再修而再上焉地圖未之見圖經猶有存者而郡縣志今皆採入大明一統志矣唐宋山常制國朝出特命顧此何自耶蓋景泰中嚴郡所修之志錄本上之翰林副本存之郡學今四十年矣公

嚴州府志

乃取而重修之也予嘗觀之舊志所書有若沿革分野疆域山川之類無所損益今則仍之而已其他事物遺者則補之誤者則正之來者則續之而各有微意存焉夫郡置守有武有判郡之所由治也縣置令有丞有簿縣之所由治也郡縣治守令賢矣生養遂戶口增矣作息均田野闢矣播種時物產登矣衣食充貢賦足矣由是教化行而風俗美焉絃誦聞而學校興焉誠敬將而祀禮舉焉德業修而科目盛焉賢俊用而人物見焉不特此也高尚之士道學之儒世嘗有其人矣而忠臣孝子義夫節婦何代無之哉至若山川之秀鍾於人也或有神靈之及物壇廟之祀

著於今也或有功德之在人冥頑怙終必置之法而刑獄不可無判盜竊發必加之兵而武衛不可缺解宇所以出治郵驛所以傳命舟楫橋梁所以濟眾陂塘塢堰所以利農與夫積聚有倉阜財有庫恤孤有院聽訟有亭勸士有坊樂賓有館古蹟有碑於登臨遺事有廣於聞見詩文有關於世教行遣有切於時宜若此之類所以補之正之續之者其亦多矣此外非道之同君子所不與也非理之正聖人所不語也而寺觀仙釋舊志必爲之書以備參考以垂鑒戒者今亦仍之嗟乎命出先朝事因前守創不自予已也同修者二郡僚校正者一儒生勞不泐乎墨也毫楮之屬一皆給之公儲之餘費不及乎民也不有識見與才力者其能然乎然則一郡事物之舉載誠非小補也而千載文獻之足徵豈非嘉惠哉予辭不敏不獲已而勉爲之序公名德恢東安人一門五世孝友忠義之爲爵位勲業之隆文學科名之著時鮮及云

嚴州府志

二

呂序

知府 呂昌期

常聞人無幽顯道在則尊地無豐穠人傑則靈則郡邑之所由著名可想也士君子立身實區匪出即處處不能絕塵空出不能肩鴻鉅無爲貴出處矣余常尙友古先至漢宋間輒津津慕子陵希文其人願爲執鞭而不得歲萬厯庚戌奉天子命來守嚴邦自慙孱弱不足當名郡下車之日見其厥土隘而瘠非有平原沃野之地也城郭淺而庫非有連雲接漢之勝也民遭飢饉之後戶口凋殘非有穀擊肩摩之眾也山麓紫石爲田僅收鐘釜非有千倉萬箱之蓄也無恨可輸祇以山蠶入帛非有飛芻輓粟舳舻相

嚴州府志

一

卿之賦也則竊訝所稱名郡者安在已而偕二三僚友尋幽選勝觀夫錦峯綉嶺競秀爭奇紫綠萬形掩映衣袂又觀夫巨浸奔濤襟江帶海清流澈底可鑒鬚眉游於斯者若骨曳青玉身入鏡中也夫然後知山川形勝之美甲於兩浙他郡邑當避舍矣已又披覽圖牒景仰賢豪坐子陵之釣臺清風習習盈江渚間令人毛髮豎立有飄然人外之想瞻希文之遺像可想其恢宏沉毅舉宇宙內利害劇易之務一力擔當而毫無阻難蓄縮之意雖其他名賢循吏未易悉數即此兩君子高標偉伐輝映古今他郡邑不當遜十舍哉蓋人文地靈默相感召果其人足爲世重即

嚴州府志

二

無燭異標奇而名山大川必且藉以吐露姿色苟爲不然雖丹崖碧淵前代所稱爲絕勝者亦若有沍涅封蔽澀縮迴却之狀理有固然無足異也開兩縣政通人和百廢具舉而獨所謂郡志者自前守蓉江楊公纂修以來迄今三十餘年間紀載多闕余不覺慨然曰是不處久而無徵耶因與諸同寅及六邑令悉心采訪時郡有俞生炳然素稱博雅屬之鉉次補茸以俟後之君子會楊公哲嗣致吾秉憲臬司尊人之芳懿益著當書成之日請一言弁諸首而以俚語附末簡抑因是而有感焉夫志猶史也史以褒貶褒貶辨若蒼素弗可易也自秦郡縣以來官斯土者不知凡幾居斯土者亦不知凡幾而某也賢某也不肖如從雲耳諸高曾一一可指數焉後之視今不猶今之視昔耶余謂清任皆人所命而非君子所自居譬之造化露溥月湛豈以清名地負山凝豈以任顯至人之心緇白宸降都無名相而世俗就其近似者摹之爲清爲任此非君子之願而亦世道之幸也嗟嗟男子七尺之軀負荷謂何余雖以清任顏其堂勉希前哲而捫心自省清耶任耶無清任名者耶尙茫乎未有實處也余懼貽山川羞矣敢并以告同志者

錢序

郡守 錢廣居 太倉人

書以誌言亦誌其蹟而不雜質而可稽條分焉而有典要絕類應邵紀泰山封禪事固稱重也其誌山川雲物天人法紀又恍若漁人從桃花源來雞豕桑麻應愿可數乃惘然覺有靈氣故纂誌書之難較他書更倍嚴州郡志自萬厯年續修於平陵呂公迄今三十餘載後遇方兵作崇原板半燬於祖龍半沈之穢阱山川人物盡屬烟銷闕文之憾又不止在魯魚帝虎間也嚴雖褊壤有民人焉有社稷焉若令先代文獻無徵不信其何以令後之人不替唏噓憑弔之思

嚴州府志

乎因與諸同寅及六邑令長謀新之而又色然沮也蓋此書關一郡風教昵於獨則慮管窺之難以測海稽於眾則又患築舍之淆於道旁法從嚴則遺珠漏網之懼深法從寬則石媚玉溫之辨混故與其新也甯舊貫不愆不忘率由舊章予小子所以遵前人之法而不敢過也間有一二逸事堪為誌中點綴畧存之以備參考齊人既有事於蜚林必將有事於泰山禮也予甯守禮以俟後之君子焉爾

任序

知府 任風厚

古來遷固稱良史才遷始創為入書其後固易書為志識者謂修史莫難於志則郡國之志視此矣我皇上御極二十二年耆定功成東西侯尉大化翔洽爰命修一統志以釐定章程整齊倫類與禹貢周官並垂不朽廷臣謂各省通志文獻所關下其事於郡國風厚承乏守郡欣與

盛典竊謂郡之視省猶邑之視郡遂進六屬之長而往復董率且以踰期為戒復敦聘宿儒吮墨含毫焚膏繼晷甫匝月而告竣大抵志之所載方輿賦役禮祀

嚴州府志

學政諸書有待於更定者不過十之二三惟官師人物二志每見聞異詞愛憎失實非才學識兼長不能勝任而愉快然千百年間若宋璟杜牧范仲淹曾泣茲土宋杜遠矣而文正公之遺澤猶能道之則記秩官者非徒驚乎其名也至風厚泛棹嚴灘登子陵釣臺徘徊憑弔與謝臯羽墓橫對大江乃知此邦名賢高士實有廉頑立懦者興起於前而科名相業自宋元以後無出商文毅右者即如比歲甲寅寇亂瀕遂諸邑與三衢接壤罹禍最先一時烈婦貞女孝子順孫雖各縣詳載志中而蒐羅未及者亦恆有之況

前此零落於殘編斷簡之中湮沒於故老遺黎之口
者可勝道哉故於載筆之條斟酌損益不敢濫予以
傳是不敢失覈以傳疑旁搜博採兼聽並觀以期月
之徵求欲補數百年之缺失豈無掛一漏萬貽譏作
者夫亦惟是總其大綱俾方輿賦役禮祀學政之屬
胥若列眉而於官師人物一篇之中尤兢兢致慎庶
賢者以有所表彰而知勸不賢者以無所紀載而知
懲亦不無少補於萬一也歟時

康熙二十二年歲次癸亥桂月

詔授中憲大夫嚴州府知府加二級關中任鳳厚撰

嚴州府志

二

毛序

國朝 毛際可 遂安進士

陸志舊無可攷即明李公德恢癸丑志本亦散軼不
傳厥後惟明呂公昌期志最爲明備嗣是紀載闕然
至

皇朝康熙癸丑而始奉修志之檄繼值軍書旁午纂輯之
務遂至中輟癸亥春三月

皇上耆定告成海宇清晏復敕直省各以通志進而文獻
之徵尤以郡邑爲準郡伯任公聞

命警惕涓吉從事取六邑之掌故而集其成爰敦聘呂儒
開局試院聽政稍暇相與斟酌損益焉而際可濫與

嚴州府志

一

珥筆之列例得弁言簡端夫郡邑有志猶國之有史
然史一成而不可易而志則不可以不屢修者何也
蓋郡邑之志父老子弟傳聞異辭既不若史臣之聞
見最真而殘篇斷碑銷蝕湮滅於風雨榛莽之間者
又不若會典之頒布可久則因時蒐羅無致失墜俾
後來者有所稽考固賢守令之任也即如吾睦踞浙
上游夙稱都會名卿碩士先後比肩數十年來法制
之修明田畝之懇闢與夫孝子烈婦之流芳端人正
士之懿行已有不可勝述者甯得不急爲編輯也哉
際可章句鄙儒三長滋愧又以

功令嚴切罔敢逾期而各憲見委繼此復有兩浙通志之役午夜篝燈寢沐幾廢由創始以迄觀成屈指卽在旬月疎畧之愆或所難免然而核名實昭勸懲取舍必嚴愛憎不徇於官師人物之紀尤兢兢致慎以無失儒先著述之遺意且念皇朝一統之志亦將於此有取焉不敢以負素心者并負國憲或庶幾可以告無罪也夫

嚴州府志

一

吳序

戊辰之冬余恭膺

簡命出守嚴郡抵任之後見一郡之紳士人民沐浴

聖天子之深仁厚澤久道化成戶尙詩書家敦禮讓田野開闢

治法脩明未嘗不稱羨爲浙中一名郡也因思六睦事跡

悉載郡乘必取全志觀之然後斟酌損益措施盡善乃志

書板片久已無存府庫所貯者祇有前守任公風厚抄錄

府志一部書爲草創底稿字句之間頗多舛錯且任葉輯

於康熙癸亥至今又已七十餘載余取而閱之不禁慨然

太息蓋爲治之道莫先於志乘今自任守以前一郡之事

嚴州府志

一

跡僅得於殘編斷簡之中畧存梗概而自任守以後至今

七十餘年一郡之山川名勝田賦戶口土產風俗人物藝

文漫無紀錄散佚甚多若再遲之又久必至烟消雲散無

可參稽余既忝居郡守安可不亟爲編輯乎爰是聘請名

儒問諸纂輯共計三十五卷析其類爲十有五分類畫界

上關於天文下列乎地紀故以星象建器列於前形勢名

勝襟帶乎六睦輪奐於千秋故以封域營建列於次人才

首在樂育經曲尤貴脩明則繼之以學校典禮殷薦當嚴

其制田賦預定其規則繼之以秩祀貨食設官分職所以

子惠元元也而若官師若遺愛若武備不可以不詳廷獻

家脩所以風勵士庶也而若選舉若人物不可以不載博考參稽鉅細靡遺機祥雜技散見於稗史者亦在所不廢也又以逸事附於其後若夫六睦爲人文淵藪博物君子後先相望詩文著述名作如林雖彬彬郁美不勝收而擇其有關於民生有裨於風化者分爲藝文上中下三編以昭一郡文明之盛焉總之余脩此志凡任稿所本有者刪節其繁蕪增益其缺失凡任稿所本無者廣詢乎羣賢博採於輿論芟膏繼晷繩貫珠聯務使考證詳明著述嚴謹不敢少有罅漏庶乎可以信今而傳後夫宣揚

聖天子

之紀綱制度永垂萬世表章郡人士之嘉言懿行昭示

康州府志

二

來茲者固守土者之職也余豈敢以謏陋無文因循怠廢以自貽曠官之責乎此志原本任稿又加以七十餘年之事跡記載繁多初若汗牛充棟而纂輯成編爲文更減於舊志文筆不敢縱放持論尤歸簡嚴庶幾乎昔賢事增於前文省於舊之遺意也是爲序

乾隆二十一年歲次丙子

賜進士出身

誥授中憲大夫浙江嚴州府知府紀錄九次大興吳士進謹序

胡序

聖天子奉三無私以勞天下丕冒海隅出日罔不率俾百爾有位莫不敬爾在公夙夜兢兢以仰贊

邦隆無外之軌猗歟可不謂極盛者乎維 郡伯吳公

既蒞睦之六年德溥而惠流教行而化洽固已士頌民歌纖悉無憾矣乃猶念典章之垂範政俗之大綱非取資志乘不爲功而舊有郡志以歷歲久遠漫漶殘闕亟賴增修庶足考鏡得失信於今而傳於後爰慨然特取而釐訂之彙羣材之心力經寒暑之兩週損益簡繁斟酌飽滿而觀厥成焉洵乎得爲政之本

康州府志

一

務者而非淺淺粉飾乎治具之爲之也顧余于此竊有說焉今夫仕與學一貫也亦兩途也士人學古入官初則究心浩渺往往汎濫無涯迨一行作吏毋亦惟是程衡律令料檢簿書以整率吏民以期無疵厥職如是已矣若夫居今稽古考獻徵文則遜謝未遑耳今 吳公聽政餘閒獨晨夕手是編博稽眾論翻覆研求有逾於經生之所不屑措意者卽單詞隻義猶必折衷歸於至當雖以書源之不敏而亦得與參末議焉斯誠足以見其志之虛而功之勤且密也其學優而仕者耶抑仕優而學者耶殆未有以測之矣

抑吾聞嚴陵以人傳地不以地傳人閱是編者尙其
尋源探本游神篇籍之外而恍然有會於已成之金
鑑穆然深味乎致治之良圖而用以永昭我
聖朝一道同風之盛且爲後此採風者樹之型焉庶是編
未必無補云爾書既成例得綴數言附於簡次以誌
梗概亦猶蠅聲附驥而馳響於千里也乾隆丙子孟
秋山陰胡書源拜手謹序

嚴州府志

二

纂修嚴州府舊志姓氏

纂修嚴州府知府楊守仁

呂昌期

任風厚

協修 同知龔天申 唐仲賢

通判趙重孜 周士鰲 劉美

推官宋行可 陸卿榮 李嘉賓

建德縣知縣郝光輔 何普

淳安縣知縣潘雲鳳 李光德

遂安縣知縣韓成 盧鳳翔

嚴州府志

壽昌縣知縣周翰

桐廬縣知縣劉二典

分水縣知縣王璞 游之光

嚴州府儒學教授張文昭

嚴州府儒學訓導孫國朝

總編

四川布政司左叅政徐楚

河南彰德府推官政祥符紹老際可

校勘

建德縣儒學生員俞炳然

重修嚴州府志姓氏

纂修

嚴州府知府紀錄九次吳士進書順天大興縣人進士

協纂

嚴州府同知史鳳輝南如江南荆溪縣人舉人

嚴州府同知文德滿洲鑲白旗人

參訂

建德縣知縣王賓寬齊江南太倉州人榜副

建德縣知縣王三鑑肇初江南上元縣人舉人

海安縣知縣劉世甯翰齊江西新淦縣人進士

嚴州府志

遂安縣知縣李成渠萬川廣東饒平縣人舉人

壽昌縣知縣鍾沛霖堂廣東長樂縣人監生

桐廬縣知縣王德讓謙光山西陽曲縣人舉人

桐廬縣知縣沈全達江南如皋縣人貢生

分水縣知縣劉開壽榮堂江西上猶縣人貢生

協訂

嚴州府儒學教授孫王綸初庵嘉興嘉善縣人進士

嚴州府儒學訓導項紹温州瑞安縣人貢生

建德縣儒學教諭諸克任伊人杭州錢塘縣人舉人

建德縣儒學教諭沈夢龍湖州烏程縣人舉人

建德縣儒學訓導劉彭年衢州西安縣人貢生

總編

原任廣西博白縣知縣胡書源洛庭紹興山陰縣人舉人

分編

嚴州府儒學教授孫王綸初庵嘉興嘉善縣人進士

建德縣儒學教諭諸克任伊人杭州錢塘縣人舉人

原任廣西平樂縣知縣應德廣在嚴州建德縣人舉人

江南太倉州監生徐庚

江南婺源縣儒學生員吳士達

江南荆溪縣儒學生員史承豫

嚴州府志

監局

建德縣貢生候選訓導詹肇衍

建德縣儒學生員夏嵩年

建德縣議敘州同張起運

遂安縣貢生方希濤

校勘

紹興山陰縣儒學生員趙連城

順天大興縣例監吳紹銓

紹興山陰縣監生胡述鸞

建德縣儒學生員王大朋

建德縣儒學生員余朝棟

建德縣儒學增廣生員王耀宗

建德縣儒學廩膳生員喻大成

嚴州府儒學增廣生員安世勳

建德縣儒學廩膳生員宋鵬勳

建德縣儒學增廣生員吳煥章

建德縣儒學生員馬大儼

建德縣儒學廩膳生員王象賢

建德縣儒學增廣生員王繼宗

建德縣儒學生員馬壽域

嚴州府志

建德縣儒學生員余萬錦

建德縣儒學生員楊緝熙

建德縣儒學生員陳日光

建德縣儒學生員余朝檢

建德縣儒學生員王葵忠

遂安縣儒學生員毛守勤

遂安縣儒學生員姚殿珍

遂安縣監生汪振瑞

壽昌縣儒學廩膳生員方傳恩

壽昌縣儒學廩膳生員方廷燧

三

壽昌縣儒學增廣生員翁作楫

壽昌縣儒學廩膳生員洪廷機

壽昌縣儒學生員翁作楷

壽昌縣儒學增廣生員吳肇楡

監梓

考授正九品吏職蔡九思

督梓禮吏程景宗

王珩

陳世鴻

湯廷掄

嚴州府志

四